



## Үндэсний виз мэдүүлэх заавар

### Мэргэжлийн сургалт хайх (§ 17 AufenthaltG) / Ажлын байр хайх виз (§ 20 AufenthaltG)

#### Үндсэн заавар

- Гэрчилгээ, Диплом болон бусад баримт бичгийн эх хувийг өгөх ёстой. Таны визийн мэдүүлгийг шийдвэрлэсний дараа эх хувийг буцаан олгоно.
- Таны визийн мэдүүлгийг шийдвэрлэхийн тулд Герман дахь Холбооны Хөдөлмөрийн Товчоо болон Гадаадын Харьяат Иргэдийн газрын зөвшөөрөл авдаг. Тус газраас зөвшөөрөл ирсний дараа виз олгох боломжтой.
- Визийн мэдүүлгийг дунджаар ажлын 10 хоногт шийдвэрлэнэ. Зарим тохиолдолд илүү хугацаа орж болно.
- Визийн мэдүүлгийг өгөхдөө нислэгийн тийзийн захиалга өгөх шаардлагагүй. Визтэй паспортаа авсны дараагаар тийзээ захиална уу.
- ЭСЯ-наас нэмэлт бичиг баримт шаардаж болно.
- Бүрэн гүйцэд бус визийн мэдүүлэг өгөх нь шийдвэрлэх хугацааг уртасгах бөгөөд цаашлаад татгалзах эрсдэлтэй.
- Визийн мэдүүлгийг шийдвэрлэх ажлын 10 хоног дотор утсаар болон И-Мэйлээр лавлан асуух шаардлагагүй. Энэ нь визийн хэлтсийн ачааллыг нэмэгдүүлэх тул виз мэдүүлэгч бүрт тухайлан хариулах боломжгүй.
- Визийн мэдүүлгийг шийдвэрлэхэд олон хүчин зүйлс, нөхцөл байдлыг харгалзан шалгах учраас зааврын дагуу бичиг баримтаа бүрэн бүрдүүлж өгөх нь виз гарах баталгаа биш.
- Маягтыг визийн хэлтсээс үнэ төлбөргүй авах боломжтой. Виз мэдүүлэхэд үйлчилгээний хураамж төлөх бөгөөд тухайн хураамжийг виз татгалзсан, мэдүүлгээ буцаан авсан аль ч тохиолдолд эргүүлэн олгохгүй.
- Виз мэдүүлэх бичиг баримт бүрдүүлэхдээ ямар нэгэн байгууллага эсвэл гуравдагч этгээдийн туслалцаа, үйлчилгээг ашиглах шаардлагагүй. Өгсөн мэдүүлгийн хариуцлага, үр дагаврыг зөвхөн виз мэдүүлэгч өөрөө хариуцна.
- Виз мэдүүлэгч нь ЭСЯ-ны Консулын хэлтэст биечлэн ирж бичиг баримтаа өгнө.

#### Ерөнхий мэдээлэл

25 нас хүрээгүй, В2<sup>1</sup> түвшний герман хэлний мэдлэгийг батлах баримттай бол Та **мэргэжлийн сургалт хайх** виз мэдүүлж болно.

**Ажлын байр хайх** виз нь Германд хүлээн зөвшөөрөгдсөн мэргэжил, дээд боловсролтой гадаадын мэргэжилтэнд хагас жилийн дотор өөрийн мэргэжлийн ур чадварт таарсан ажлын байр хайх боломжийг олгож байгаа юм. Хагас жилийн дотор ажлын байр олж чадвал Герман орноос гаралгүйгээр холбогдох Гадаадын Харьяат Иргэдийн оршин суух зөвшөөрөл мэдүүлэх боломжтой. Ажлын байр хайж байх үед туршилтын журмаар долоо хоногт 10 цаг ажиллахаас өөр тохиолдолд хөдөлмөр эрхэлж цалин авах нь хориотой. Германд ажиллаж амьдрах тухай дэлгэрэнгүй мэдээллийг: [www.make-it-in-germany.com](http://www.make-it-in-germany.com)

*Энэхүү жагсаалтыг ЭСЯ тухайн цаг үеийн мэдлэг, дүгнэлт дээр үндэслэн гаргасан болно. Жагсаалтын бүрэн гүйцэд, үнэн зөв байдал ялангуяа цаг хугацааны хувьд гарч болох өөрчлөлтүүдийн өмнөөс ЭСЯ хариуцлага хүлээхгүй.*



<b>Визийн мэдүүлэгт өгөх бичиг баримтын жагсаалт</b>		
<p>Визийн мэдүүлэгт өгөх бичиг баримтуудыг эх хувиас гадна 1 хувь хуулбарын хамт өгнө. Визийн мэдүүлгийг шийдвэрлэсний дараа бичиг баримтын эх хувийг буцаан олгоно.</p> <p>Англиас бусад хэл дээрх бичиг баримтыг герман орчуулгын хамт өгнө. Бичиг баримтаа доорх дарааллаар эрэмбэлнэ үү.</p>		
1	Бүрэн гүйцэд бөглөсөн, виз мэдүүлэгч гарын үсгээ зурсан үндэсний визийн маягт ("VIDEX" маягт) 1 хувь	<input type="checkbox"/>
2	Биометрийн шаардлага хангасан 35*45 мм хэмжээтэй 2 хувь цээж зурагны нэгийг үндэсний визийн маягтын цээж зураг байрлах хэсэгт нааж хоёр дахь зургийг нь наалгүй авч ирнэ.	
3	Хүчинтэй гадаад паспорт	
4	Гадаад паспорт эзэмшигчийн хувийн мэдээлэл бүхий нүүрнээс хийсэн хуулбар	
5	Хаана ямар мэргэжил эзэмших сонирхолтой / хаана ажиллах гэж байгаа талаар болон очоод байрлах хаягаа оруулсан бичмэл тайлбар захидал (Motivations schreiben).	
6	Өнөөг хүртэл эзэмшсэн мэргэжил, боловсрол ба эрхэлж байсан ажлаа алгасалгүй бүрэн оруулсан, хүснэгтчилсэн намтар.	
7	Европын Холбооны журамд нийцсэн эрүүл мэндийн даатгал: Шенгений орнуудад хүчин төгөлдөр үйлчлэх, багадаа 30.000 Евроны нөхөн төлбөртэй, Германд нэвтрэх өдрөөс эхлэн хүчинтэй	
<b>Мэргэжлийн сургалт хайх</b>		
8.1	<p>Мэргэжлийн ур чадварын баримт (Qualifikationsnachweis)</p> <p>Мэргэжил эзэмших сургалт хайх виза мэдүүлэгч нь гадаад дахь герман сургууль төгссөн гэрчилгээ ЭСВЭЛ Холбооны нутаг дэвсгэр болон тухайн улсдаа их/дээд сургуульд элсэн орох эрх бүхий бүрэн дунд боловсролын гэрчилгээ БӨГӨӨД багадаа B2 түвшний герман хэлний ALTE (Association of Language Testers in Europe) стандартын дагуу магадлан итгэмжлэгдсэн байгууллагаас олгосон сертификаттай байх ёстой. Das Deutsche Sprachdiplom (DSD) – Герман хэлний диплом B2 түвшин ба түүнээс дээш бол мөн хүлээн зөвшөөрнө.</p> <p><i>Герман хэлний мэдлэгийн түвшин анхан шатнаас дээш гэдгийг виз мэдүүлэхдээ ярилцлага хийж баталж чадвал герман хэлний сертификат өгөх журмаас чөлөөлж болно. Визийн мэдүүлгээ өгснөөс хойш герман хэлний сертификатыг тодорхой хугацаанд нөхөн өгч болдог бөгөөд ЭСЯ-наас энэхүү хугацааг тодорхой зааж өгнө.</i></p>	



<b>Ажлын байр хайх</b>	
8.2	Мэргэжлийн ур чадварын баримт: Их / Дээд сургуулийн диплом, дипломын хавсралт эх хувиараа
8.3	<p>Гадаадын дээд боловсрол / мэргэжлийг Германд хүлээн зөвшөөрсөн баримт: Мэргэжлийн боловсрол эзэмшсэн ажиллах хүчний хувьд:</p> <ul style="list-style-type: none"> <li>- Мэргэжлийн боловсролыг Германд хүлээн зөвшөөрсөн тухай шийдвэр: Холбооны Муж улсын холбогдох газраас олгосон бичгэн зөвшөөрөл</li> </ul> <p>Дээд боловсрол эзэмшсэн ажиллах хүчний хувьд:</p> <ul style="list-style-type: none"> <li>- <a href="#">anabin Datenbank</a> – мэдээллийн сангаас авсан тодорхойлолт</li> </ul> <p>Таны Диплом, төгссөн дээд сургууль <i>anabin-ны</i> мэдээллийн санд ороогүй бол:</p> <ul style="list-style-type: none"> <li>- <a href="#">ZAB (Zentralstelle für ausländisches Bildungswesen)</a> – аас авсан Гэрчилгээний үнэлгээ (Zeugnisbewertung)</li> </ul> <p>ажиллахын тулд зөвшөөрөл шаардлагатай мэргэжил (<i>Ж нь: Эмч, Инженер гэх мэт. Бүрэн жагсаалтыг <a href="#">Bundesagentur für Arbeit</a> –аас эсвэл <a href="#">EU-Kommission</a> үзнэ үү</i>) бол:</p> <ul style="list-style-type: none"> <li>- Мэргэжлээрээ ажиллах зөвшөөрөл эсвэл мэргэжлээрээ ажиллахыг урьдчилсан зөвшөөрсөн тодохойлолт (Zusicherung). Ж нь: анагаах ухааны дипломд олгосон Мужийн хүлээн зөвшөөрөх байгууллагын шийдвэр (Entscheidung der Approbationsbehörde im Bundesgebiet)</li> </ul> <p>Дэлгэрэнгүй мэдээллийг: <a href="http://www.anererkennung-in-deutschland.de">www.anererkennung-in-deutschland.de</a></p>
8.4	<p>B1 түвшний герман хэлний ALTE (Association of Language Testers in Europe) стандартын дагуу магадлан итгэмжлэгдсэн байгууллагаас олгосон сертификат. Das Deutsche Sprachdiplom (DSD) – герман хэлний дипломыг мөн хүлээн зөвшөөрнө.</p>
<b>Амьжиргааны зардал</b>	
9	<p>Германд нэг сарын амьжиргааны хэмжээ багадаа 1027 Евро бөгөөд үүнийг дараахь байдлаар баталгаажуулна:</p> <p>а. Германы Оршин суух тухай хуулийн 66-68-р зүйлд заасны дагуу албан ёсны батлан даалтын маягт (Verpflichtungserklärung). Германд оршин суух зорилгыг заасан энэхүү батлан даалтыг гуравдагч этгээдээр гаргуулж болох бөгөөд дэлгэрэнгүй мэдээллийг батлан даагч өөрийн хотын Гадаадын Иргэн Харьяатын газраас (Ausländerbehörde) гадаадад амьдардаг бол Герман улсын ЭСЯ/Төлөөлөгчийн газраас авах хэрэгтэй. Эсвэл</p> <ul style="list-style-type: none"> <li>- Германы аль нэг банкинд хязгаартай ашиглах данс (Sperrkonto) нээлгэх. Оршин суух визийн мэдүүлэгт Германы аль нэг банкинд хязгаартай ашиглах данс нээлгэж амьжиргааны зардлаа байршуулж болно. Хязгаартай данс нээхэд жуучилдаг байгууллагуудаас Та өөрөө чөлөөтэй сонгох бөгөөд дэлхий даяар жуучлалын үйлчилгээ үзүүлдэг байгууллагуудын жагсаалтыг Та Холбооны Гадаад хэргийн яамны цахим хуудаснаас авч болно.</li> </ul>

Энэхүү жагсаалтыг ЭСЯ тухайн цаг үеийн мэдлэг, дүгнэлт дээр үндэслэн гаргасан болно. Жагсаалтын бүрэн гүйцэд, үнэн зөв байдал ялангуяа цаг хугацааны хувьд гарч болох өөрчлөлтүүдийн өмнөөс ЭСЯ хариуцлага хүлээхгүй.



<b>Монголоос өөр орны иргэншилтэй виз мэдүүлэгч</b>	
10	Монгол Улсад удаан хугацаагаар оршин суух зөвшөөрөл
<b>Хураамж</b>	
11	Визийн хураамж 75 Еврог монгол төгрөгөөр
<b>Визийн мэдүүлгийн бүрэн гүйцэд байдал</b>	
Визийн мэдүүлэгт шаардлагатай бичиг баримт бүрэн гүйцэд байгаа эсэх:	
<input type="checkbox"/> Гийм	
<input type="checkbox"/> Гүгүй, чагтлаагүй үлдсэн бичиг баримт/мэдээлэл дутуу	
<b>Бүрэн гүйцэд бус визийн мэдүүлэг өгөх тухай мэдэгдэл</b>	
Миний визийн мэдүүлэг бүрэн гүйцэд бус байгаа талаар надад мэдээлсэн. Визийн мэдүүлэгт шаардлагатай бичиг баримт дутуу байх нь визийг татгалзах эрсдэлтэй гэдгийг миний бие ойлгож байгаа бөгөөд визийн мэдүүлгээ өгөх хэвээр байгаа гэдгийг мэдэгдэж гарын үсгээ зурсан болно.	
_____ газар, огноо, гарын үсэг	